



Apabila Faezil Menulis

w w w . f a e z i l . c o m . m y

"Apabila Faezil Menulis" merupakan satu blog yang memaparkan luahan, rintihan, cetusan idea dan pendapat serta coretan liku-liku kehidupan seorang insan biasa yang bernama Faezil Aidil.

ALBUM TERAKHIR KONSERT KRU GERGASI 25
AKHIRNYA SAMPAI KE TANGAN

BUTIRAN PENULIS

Faezil Aidil Jamian lahir pada 28 Ogos 1980 merupakan seorang Eksekutif Kanan Teknologi Maklumat PIJ Holdings Sdn Bhd. Sebelum itu pernah menjadi web developer di sebuah syarikat swasta dan pernah menjadi jurulatih IT mengendalikan kursus Bimbingan Perguruan Profesional dalam Teknologi Maklumat untuk guru-guru di Mersing.

Latar Belakang

Dilahirkan pada 28 Ogos 1980, merupakan anak sulung kepada Haji Jamian Gimam dan Hajah Saerah Yasar. Mendapat pendidikan awal di Sekolah Kebangsaan Pengkalan Rinting, Sekolah Kebangsaan Kompleks UDA dan Sekolah Kebangsaan Bandar UDA (2), Johor Bahru dan kemudian bersekolah menengah di Sekolah Menengah Kebangsaan Tasek Utara dan Sekolah Menengah Sains Johor. Mendapat Ijazah Sarjana Muda dalam bidang Teknologi Maklumat daripada Universiti Kebangsaan Malaysia, Bangi pada tahun 2004. Memulakan kerjaya sebagai Jurulatih IT di syarikat Prestariang Technology Sdn. Bhd. dan kemudian dengan BossHouse Group sebagai pengaturcara web.

Bidang Komputer

1989 - 1995 Mengenal Komputer

Mula mengenali komputer seawal usia 9 tahun apabila pihak sekolah mengadakan kelas komputer untuk para pelajar. Minat terhadap komputer mula bertambah apabila ayahnya membelikan komputer di rumah pada tahun 1990. Ketika menggunakan komputer, secara tidak sengaja terjumpa perisian QBASIC yang menjadi titik permulaan beliau kepada dunia pengaturcaraan.

Tertarik dengan QBASIC kerana boleh mencipta program sendiri, Faezil terus meneroka ilmu pengaturcaraan dan membina aturcara asas seperti permainan meneka nombor. Beliau pernah membina aturcara permainan berkonsepkan seperti Anugerah Juara lagu, permainan meneka ayat berkonsepkan seperti More Jutaria atau pada masa kini dikenali sebagai Who Want to be a Millionaire atau Wheel Of Fortune.

Mempelajari komputer secara rasmi dengan menghadiri kelas komputer anjuran pihak sekolah, beliau mula didedahkan dengan pelbagai perisian seperti

Wordstar, Lotus 123, dBase, MS Excel dll. Pembelajaran komputer ini terhenti apabila beliau berhijrah ke sekolah berasrama penuh.

2000 - 2004 Pendidikan Formal Teknologi Maklumat

Melanjutkan pelajaran dalam bidang Teknologi Maklumat (Pengajian Multimedia) di Universiti Kebangsaan Malaysia. Di sini beliau didedahkan dengan pelbagai ilmu formal dan dididik bukan sahaja sebagai pengguna IT, bahkan untuk menjadi IT Profesional.

2004 - 2007 Jurulatih IT

Selepas tamat belajar, memulakan kerjaya sebagai Jurulatih IT di syarikat Prestariang Technology Sdn. Bhd. Syarikat ini mendapat kontrak selama 3 tahun daripada kerajaan Malaysia untuk melatih guru-guru di seluruh Malaysia menggunakan Teknologi Maklumat dalam pengajaran dan pembelajaran. Faezil Aidil ditugaskan untuk mengendalikan kursus tersebut di pusat latihan di Mersing, Johor. Setiap satu sesi kursus selama 2 minggu dihadiri oleh 25 peserta.

Pada waktu ini juga, buat pertama kali Faezil melanggan domain dan hosting berbayar. Domain pertama yang dibelinya adalah faezilaidil.com. Beliau mula menjinakkan diri dengan penggunaan CMS seperti PHP-Nuke, phpBB, Joomla, Wordpress dll

2007 - 2015 Pengaturcara Web

Selepas tamat kontrak, berkhidmat sebagai pengaturcara web di BossHouse Group Sdn. Bhd. Pada awalnya, beliau ditugaskan untuk membangunkan website para pelanggan di bawah anak syarikat Timenet Telecommunication dan kemudiannya beliau ditugaskan untuk membangunkan dan menyelia beberapa laman web milih BossHouse Group.

Pada tahun 2009, Faezil mula mengenali dan mempelajari CakePHP.

Pada tahun 2014, majikannya membuka syarikat baru, Wall Media Berhad dan melantik Faezil menjadi salah seorang pengarah. Namun begitu, selepas setahun, Faezil keluar daripada Wall Media Berhad dan kembali ke Johor Bahru.

2015 - kini Eksekutif Kanan Teknologi Maklumat

Berkhidmat sebagai Eksekutif Kanan Teknologi Maklumat di PIJ Holdings Sdn. Bhd. yang merupakan syarikat induk milik penuh Perbadanan Islam Johor.

Perniagaan Internet

Memulakan perniagaan Internet pertama dengan menjual koleksi template dan grafik di Internet. Koleksi ini dibeli daripada seorang pakar grafik dan Faezil memperolehi lesen Resell Right untuk membolehkan beliau menjualkannya secara komersil

Setelah melihat kejayaan penjualan berasaskan RR ini, Faezil meneroka produk lain yang berasaskan RR. Antara produk RR lain yang pernah dijual adalah Sistem Affiliate Lite


Sebagai seorang yang berlatarbelakangkan IT, Faezil juga mengorak langkah meneroka perniagaan web hosting dengan menjadi reseller.

Selain itu, Faezil juga pernah menjual produk di eBay menggunakan konsep Dropship. Tetapi tidak lama kerana masalah syarikat dropship tersebut. Melihat potensi konsep dropship ini, Faezil beralih kepada dunia percetakan. Pernah membuka perniagaan Ilham Cinta dengan kerjasama rakannya.

Projek

Berikut adalah projek-projek yang sedang dibangunkan

- Laman Waktu Solat - Memaparkan waktu solat di seluruh Malaysia
- Kedai Online - Pengguna boleh membina kedai online sendiri
- Tulis Blog - Pengguna boleh membina blog sendiri



Alhamdulillah, dengan izinNya akhirnya VCD Konsert Gergasi 25 KRU sampai ke rumah, setelah lebih sebulan menunggu 


Saya membesar dengan lagu-lagu KRU. Bermula dengan album pertama mereka, Canggih pada tahun 1992 yang popular dengan lagu Hanya Kau, kemudian album reKRUEd, Awas, Oh La La.


Saya mula membeli album KRU sebaik sahaja selepas tamat sekolah. Album yang saya beli adalah album kompilasi Krumania, Formula Luar Biasa dan terkini... album Konsert Gergasi 25 KRU sempena 25 tahun KRU dalam industri seni.

Saya membuat pesanan album Konsert Gergasi 25 KRU secara atas talian menerusi laman www.kru2u.com. Pesanan dibuat pada 3 Julai 2018 dan dipos sampai ke rumah mengambil masa hampir 2 bulan, 23 Ogos 2018 baru dapat. Dah macam beli barang dari China pulak.

Adik suruh hubungi pihak KRU tanya kenapa lama sangat. Tapi saya tak hubungi pun memandangkan saya percaya kepada KRU. Dah lama kenal (cuma KRU je

tak kenal saya (). Lagipun isitmewanya album ini siap ada tandatangan


ketiga-tiga adik beradik KRU. Siap ada tulis nama saya lagi (). Maka dah tentulah ambil masa lama sebab banyak sangat nak kena tandatangan.




Tandatangan Dato Norman, Yusri dan Edry beserta nama saya

Saya tidak pergi ke konsert tersebut atas sebab-sebab yang tidak dapat dielakkan, berlangsung pada 4hb hingga 6hb Mei 2018.


Kebanyakan lagu-lagu dalam konsert ini adalah lagu-lagu yang pernah menjadi lagu pembunuh yang telah menaikkan nama KRU sepanjang 25 tahun seperti Mengerti, Awas, Oh Lala, Fanatik, Negatif dan bermacam-macam lagi.



Senarai lagu-lagu yang didendangkan oleh KRU dalam konsert



Butiran ringkas tentang konsert



Antara aksi KRU dalam konsert

Jika anda berminat nak dapatkan album Konsert Gergasi 25 KRU boleh layari di laman www.kru2u.com. Terdapat banyak lagi produk-produk lain dijual selain daripada album Awas, Oh La La dan juga barangan lain seperti topi dan t-shirt.

Sekian,

Faezil Aidil Jamian